



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

35. Mutuum date, nihil inde sperantes.

urn:nbn:de:hbz:466:1-39463

IN LVCAE CAP. VI.

35. *Mutuum date, nihil inde sperantes.*

A B omnibus ferè theologis hæc sententia contra *vsura sub
vſuras, quæ vltra sortem ex mutuo capiuntur, ap- præcepto
plicatur: ut in ea consilium sit ac præceptum. Con- prohibitas*
*filium quoad mutuum dandum, præceptum vero
quoad nihil vltra sortem ex mutuo sperandum. Nihil, inquam,
quasi debitum ratione mutui: gratuitam tamē beneficentiam
posse sperari: sed tanquam gratuitam, non tanquam debitam,
ne & ibi aliqua sit *vsura mentalis*. Quibusdam tamen visum
est, ut post Erasmus Cornelio Iansenio, *vsuras hoc loco à
Christo directè non interdici, utpote quæ in veteri lege pro-
hibitæ fuerant. Caluinus vlt̄à progressus ait. Hæc sententia
perperam restricta fuit ad *vsuras*. Rationem adferit, quia hæc
Christus tantumhortatur ad *gratuita officia*, qui amercenaria
nihil *gratia coram Deo* habent. Et hoc ex superiori Christi
sermone liquere ait. Postquam enim exposuit Christus quid
impij facere solent, nempe quod mutuum dant similibus suis, ut
paria deinde ab illis recipient, subiicit quanto plus à suis requi-
rat, nempe ut gratis dent mutuū. Eandem rationem sequitur
Iansenius, exponēs illud nihil, nullam similem vicem, aut be-
neficium aliquod: non quod hoc peccatum sit, sed quod plus
à nobis exigit Christus beneficentia quam quæ ab ethnicis
præstabatur. Cæterū si hæc sola ratio spectetur, sequetur
quoque Christum hoc loco voluisse, ut ne quidem sortem
ipsum se recepturum speret qui mutuum dat. Ethnicos enim
mutuum dantes ipsa forte contentos fuisse Christus antea
dixerat. Peccatores peccatoribus mutuum dant, ut recipient
equalia. Et sic sensus erit, ut Ethnicorum beneficentiam su-
peremus. *Nihil inde sperantes*, id est, ne quidem sortem ipsum
sperantes, aut quasi reddendam expectantes, tametsi si tedda-
tur accepturi: alioqui donatio esset, non mutuum. Nō est igi-
tur opus à communiteologorum sententia recedere, quasi-
que cornicum oculos configere. Sensus igitur est: Postquam
docuit Christus Ethnicos amicis suis benefacere & mutuum
date sola sorte contentos, subiungit, *Veruntamen diligite ini-
micos vestros, benefacire & mutuum date* (etiam inimicis ve-
stris) nihil, id est, nullum lucrum, aut aliquid vltra sortem,
inde, id est, ratione mutui, sperantes, id est, vel ipso solo animo
intendentes tanquam debitum: & erit merces vestra multa.**

Z 4

Sic mutuum dare etiam ipsis inimicis, consilium est & materia mercedis multæ. *Nihil inde sperantes, præceptum est quod hīc repetitūt, & Ethnicorum exemplo confirmatur.* Sed amplectitur perlubenter Caluinus, quicquid ad veterum Theologorum reprehensionem facere potuit.

IN LVCAE CAP. VII.

47. *Remittuntur ei peccata multa, quoniam dilexit multum.*

*Dilectio
quomodo
remiss.
peccatorū
causa.
1. Senten-
tia.*

*2. Senten-
tia.*

*3. Senten-
tia.*

*Dilectio-
nis ex gra-
tia altus
ad remiss.
peccat. di-
sponit.*

VARIA est huius loci interpretatio. Aliqui considerantes dilectionem Dei quatenus primæ iustificationis causa est, neque illam præcedens ut dispositio, neque consequens ut perfectio, sed formalis quia infusio diuinæ gratiæ qua peccator formaliter iustificatur, est ipsa ex parte charitatis infusio; horum verborum sensum valde perplexum reddunt. Secundum illos enim hic est sensus: *Dilectio ponit causa remissionis peccatorum, quia quoad remissionem culpæ, est causa perficiens (perfectè enim tollitur inimicitia vbi noua ponitur amicitia) & quoad remissionem pœnæ, est causa meritoria.* Charitas enim hoc sensu (aiunt illi) operit multitudinem peccatorum. Sed quum hæc dilectio sit habitus à Deo infusus, Christus autem de illa dilectione loquutus sit quam hæc mulier exercuit, id est, de actuali; rata hæc speculatio à sensu literæ proflus aliena videtur. Alij sic exponunt: *Remittuntur ei peccata multa: quoniam, id est, idcirco dilexit multum, ut quadret parabolæ à Christo propositæ.* Sic Didacus Stella, de Græco aduerbio ēti non tē disputans. Rursus alijs sic: *Remittuntur ei peccata multa, quoniam dilexit, id est, quod hinc cōstat quia dilexit multum, ut dilectio multa signum & nota sit, non causa remissionis peccatorum.* Omnes hi sensus ideo inuenti sunt, quia quum remissio peccatorum sit gratuita, durum videtur causam eius ponere in dilectione præcedente. Sed remissio peccatorum gratuita nihil repugnat, aliquos actus præcedentes ponere, qui ad eam necessariò aut saltem ordinatiè disponant, & causæ sint disponentes, non autem meritoriae. Sicut ergo fides, spes, venia, odium peccati, rata pœnitentia, sic & ipsa dilectio Dei nondum ut habitus infusi, sed ut actus boni ex speciali Dei gratia profecti, disponunt hominem ad remissionem peccatorum, ut iuxta manifestas Scripturas docet Cōcil. Trid. sell. 6. cap. 6. Talis fuit Magdalenaæ hoc loco dilectio: non qualis est